

Na osnovu člana 1. stav 2. Odluke o registru imenovanih lica u Kantonu Sarajevo („Službene novine Kantona Sarajevo“, broj: 23/19 i 9/21) i člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20), Općinsko vijeće Vogošća na sjednici održanoj 27.05.2021. godine donijelo je

## **O D L U K U**

### **o pristupanju Odluci o Registru imenovanih lica u Kantonu Sarajevo**

#### **Član 1.**

Ovom Odlukom pristupa se Odluci o Registru imenovanih lica u Kantonu Sarajevo („Službene novine Kantona Sarajevo“, broj: 23/19 i 9/21).

Odluka propisuje da je Registar imenovanih lica u Kantonu Sarajevo jedinstvena evidencija podataka o imenovanim licima koji obnašaju javne funkcije, a čija je svrha prevencija mogućih pojava oblika sukoba interesa.

#### **Član 2.**

Ovlašćuju se:

-Općinski načelnik da u ime Općine Vogošća sklopi Sporazum o saradnji na zajedničkim aktivnostima na prevenciji i borbi protiv korupcije s Uredom za borbu protiv korupcije i upravljanje kvalitetom Kantona Sarajevo, a u cilju pristupanja Općine Vogošća Odluci o registru imenovanih lica u Kantonu Sarajevo.

-Ured za borbu protiv korupcije i upravljanje kvalitetom Kantona Sarajevo da vrši obradu podataka koji su predmet Odluke o Registru imenovanih lica u Kantonu Sarajevo.

#### **Član 3.**

Organi Općinskog vijeća,organi javne uprave,javnih preduzeća, ustanova i drugih pravnih subjekata kojima je osnivač Općina Vogošća, putem imenovanih lica od strane Općinskog vijeća, dužni su neposredno unositi potrebne podatke i odgovorni su za pravilno vođenje Registra imenovanih lica.

#### **Član 4.**

Ova Odluka dostavit će se Vladi Kantona Sarajevo i Uredu za borbu protiv korupcije i upravljanje kvalitetom Kantona Sarajevo.

#### **Član 5.**

Registar Imenovanih lica objavit će se na web stranici Ureda za borbu protiv korupcije i upravljanje kvalitetom Kantona Sarajevo i web stranici Općine Vogošća.

#### **Član 6.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:01-02-851/21  
Vogošća,27.05.2021. godine

